

Brug di Balashi lo por cla den un luna y mei



ORANJESTAD — Masha poco contratiempo e trahadonan di DOW a haya te awor na e trabounan cu ta wordo haci riba Brug bieuw di Balashi. Tabata dia 8 di augustus ultimo cu a cuminsa oficialmente cu e trabou nan na Brug di Balashi, cu e intencion di cambia tubonan cu mester percura pa e fluho di awa

for di un banda di e brug pa e otro banda.

Ta trata di un proyecto cu Departamento di DOW a bin ta preparando pa algun tempo caba. Segun coordinador di e proyecto, señor ing. Jossy Kock a splica, cu na final lo no mira cambio den e estructura di e brug mes, pero si den e fluho di awa. E

ultimo biaha cu un trabou di mantencion a wordo haci riba e tubonan aki ta data for di final di añanan 1950 pa cuminsamento di 1960.

Na inicio di e trabou so a conoce algun contra-tempo chikito cu halamento di e kabelnan di e companianan di utilidad, pero unabes cu

esaki a finalisa, e trabou nan a sigui kan sin problema te cu awor.

Na momento cu a habri e parti mey-mey di brug, a constata cu di e 12 tubonan cu tin instala pa regula e fluho di awa, apenas dos di e tubonan tabata funciona y e restonan tawata geplok. E resultado di esaki tabata cu e fluho di awa tawa-

ta minimal cual a causa e holo malo y tambe e awa sushi (sin bida) cu por mira na un di e bandanan di e brug. Ingeniero Kock ta kere cu pa di dos siman di October, e brug menciona lo ta habri atrobe pa trafico y lo por bay mira mas bida tanto di e awa debi na e circulacion, como e bida marino mes. □